

Sisi tu Watoto Wadogo

Msururu wa Mafunzo ya Biblia
Kwa Watoto wa Miaka 4-7
Na Sharon Kay Chatwell
Tafsiri ya Kiswahili na Ruth Mugeni

Pasaka

Somo la 1	Jumapili ya Mitende (Yesu alikaribishwa Yerusalemu)
Somo la 2	Karamu ya Mwisho pamoja na Wanafunzi wake
Somo la 3	Yesu katika Bustani (ya Gethsemane)
Somo la 4	Kifo, Kuzikwa, na Kufufuka kwa Yesu
Somo la 5	Kaburi Tupu (Jumapili ya Pasaka!)
Somo la 6	Yesu Awatokea Wanafunzi Wake (Tomaso mwenye shaka)
Somo la 7	Yesu Anatengeneza Kiamsha kinywa! (Upatanisho wa Petro)
Somo la 8	Agizo Kuu / Yesu Anapaa Mbinguni

Jinsi ya Kutumia Masomo haya

Kila somo:

- Limeundwa kwa ajili ya watoto, wenye umri wa miaka 4-7
- Linaweza kutumika pekee, au katika mfululizo wa masomo
- Linatokana na Biblia na linamheshimu Kristo

Kila somo lina sehemu 7:

Ushauri kwa Mwalimu: Maneno machache ya kutia moyo yaliyoandikwa haswa kwako, mwalimu atakayewasilisha somo. Pia utapata mistari kadhaa ya Biblia ya kuangalia kabla ya kufundisha somo.

Utakachohitaji: Orodha ya vitu utakavyohitaji kuwasilisha somo. Pitia shughuli zilizopendekezwa ili uone ikiwa unahitaji vitu vyovyote kati ya ulivyochagua.

Hoja Kuu: Orodha ya hoja kuu zinazopaswa kutolewa wakati wa somo.

Mstari wa Kumbukumbu: Mstari wenye urefu unaofaa kwa umri wa watoto.

Somo: Mawazo ya hatua kwa hatua ya kuwasilisha hoja kuu kwa watoto. Tumia maneno yako mwenyewe, pamba na hadithi au mifano yako mwenyewe.

Ombi: Omba na watoto na uwaombe.

Shughuli Zinazopendekezwa: Michezo, ufundi, au shughuli ambazo huruhusu watoto kujibu Somo

Vidokezo vya Kufundisha:

Soma Ushauri kwa Mwalimu na uangalie **Mistari ya Biblia** iliyopendekezwa mapema, ili ukweli wa Biblia uwe ndani ya moyo wako kabla ya kuwafundisha watoto.... **Hii ndiyo siri ya kuwa mwalimu bora!**

Shughuli zilizopendekezwa ni Mapendekezo tu. Unaweza kufikiria michezo bora zaidi, ufundi, michoro au shughuli za kufanya na watoto. Ikiwa ndivyo, basi FANYENI! Kumbuka, una karama na talanta tofauti na mtu mwingine yeyote. Unaweza kuwa na rasilimali tofauti zinazopatikana. Omba Mungu akusaidie kuwa mbunifu katika njia za kuwafikia watoto na ujumbe wake!

Hoja kuu ni maoni ambayo yanapaswa kuwasilishwa kwa watoto wakati wa Somo. Hizi zimeelezwa kwa maneno rahisi sana, lakini ni dhana muhimu za kupendekeza.

Watoto wanashangaza kwa kuwa wanaweza kuelewa mambo haya makubwa sana, hata ikiwa yamesemwa kwa maneno rahisi sana. Labda hii ndio sababu Mwokozi wetu alituagiza kwamba Ufalme wa Mbinguni ni wa "wale walio kama hawa."

Kila wakati unapofundisha watoto **UNAPASWA KUFANYA MAMBO HAYA 3:**

- WASIKILIZE
- OMBA nao na uwaombee
- Wakuone UKISOMA BIBLIA

SIKILIZA: Keti sakafuni na watoto na uwaulize jinsi wiki yao ilivyokuwa. Kisha SIKILIZA watoto mbalimbali wanapokuambia jambo lililo moyoni au akilini mwao. Mara nyingi hii huchukua muda na juhudi, lakini watoto WANAHITAJI kuwa huru kukuambia juu ya matukio yao, ili uweze kuelewana nao.

OMBA: Mwanzoni mwa muda wenu pamoja, omba na watoto na uwaombee. Unaweza ukapenda kuombea baadhi ya changamoto zao au kwa ajili ya muda wenu pamoja. Omba Mungu akusaidie kufundisha somo ili wabarikiwe nalo. Fanya hivi kwa sauti. Watoto wanahitaji kujua kwamba unaomba na kwamba wanaweza pia kusali.

SOMA kutoka kwenye BIBLIA: Shikilia Biblia mikononi mwako au kwenye paja lako na uwache watoto WAKUONE ukisoma mstari kutoka humo. Ni vizuri wao kujua kwamba kuna rejeo pale ambapo tunaweza kwenda kutafuta majibu ya Mungu. Ikiwa watakuona ukisoma Biblia, watajifunza kuwa wanaweza pia kufanya hivyo.

Mungu akubariki unapofanya kazi na watoto kuwasilisha kweli hizi kuu za kiroho kwao! Kazi yako shambani ilete mavuno mengi kwa ajili ya Ufalme wa Mungu!

Kwa upendo katika Kristo,

Sharon

MAELEZO MAALUM KWA MASOMO YA PASAKA!

Kamwe usimfundishe mtoto (au mtu yeyote) kuhusu Kusulubishwa kwa Yesu, ISIPOKUWA unakusudia kumfundisha mtoto huyo kuhusu Ufufuo wa Yesu KATIKA SOMO HILO HILO!

Hakikisha UMEACHA MUDA WA KUTOSHA kueleza na kujadili KUSULUBISHWA NA UFUFUO wakati wa somo moja!

Hii ni muhimu kwa sababu unataka mtoto awe na HADITHI NZIMA. Ni kweli kwamba Mungu alimtuma Mwanae afe msalabani kwa ajili ya dhambi zetu, lakini ni MUHIMU, hasa kwa watoto wadogo, usiachie hadithi hapo. Mtoto anaweza kuwa hajui habari za Ufufuo, na USIMWACHE mtoto akihangaika juu ya Yesu asiye na hatia kufa kwa ajili ya

dhambi zetu msalabani bila kujua kuwa siku ya tatu Mungu alimfufua kutoka kwa wafu na kwamba sasa yu hai MILELE!

Labda yote haya huendanisha pamoja... lakini nilihisi kulazimika kuyasema hata hivyo! Asante!! ☺

Waebrania 12:2 inasema kuhusu Yesu: *Yeye ambaye kwa ajili ya furaha iliyowekwa mbele yake alistahimili msalaba, bila kujali aibu ya huo msalaba, naye ameketi mkono wa kuume wa kiti cha enzi cha Mungu.*

Jumapili ya Mitende (Matawi) (Yesu anakaribishwa Yerusalemu)

Ushauri kwa Mwalimu: Jumapili ya mitende ni Jumapili kabla ya Pasaka ambapo watoto wote huvaa na kubeba majani ya “mitende” wakiyapungia huku wakiingia kanisani mwanzoni mwa Ibada, huku kila mtu akiimba wimbo wa kitamaduni wa Pasaka kama "[Utukufu Wote, Sifa na Heshima](#)". (Nzuri.)

Inafurahisha. Inatarajiwa. Na kila mtu anaipenda! Lakini huenda watoto wasijue maana yake. KAZI YAKO (kama mwalimu anayeaminika) ni KUELEZEA hadithi kuhusu tamasha.

Kama unavyoona, una kazi ya kufanya! Ninatumaini kwamba somo hili litakupa taarifa na nyenzo unazohitaji ili kufundisha somo kuu juu ya Jumapili ya Mitende! Mungu akubariki!

Utakachohitaji: Moja ya majani hayo ya "mitende" ambayo watoto walikuwa nayo awali.

Nakala za karatasi ya shughuli kwa kila mtoto
Mikasi, kalamu za rangi, mkanda au gundi, na vijiti

Hoja Kuu: Mungu hutimiza ahadi zake
Mungu aliwaahidi Wayahudi Mfalme na Mwokozi
Yesu ni Mfalme wa Wayahudi
Yesu aliingia Yerusalemu kwa punda (unabii unaotimia)
Watu walimkaribisha siku hiyo

Maandiko: Yohana 12:12-16, Zaburi 118:25-26, na Zekaria 9:9.

Mstari wa Kumbukumbu: Yohana 12:13... "*Hosanna!*" "*Amebarikiwa mfalme wa Israeli...*"

Somo: **Mungu hutimiza ahadi zake**

- Je, umewahi kutoa ahadi? (*Subiri majibu.*)
- Je, kuna mtu yeyote amewahi kukuahidi? (*Hakika!*)
- Je, mtu huyo alitimiza ahadi yake kwako? (*Sikiliza kwa makini majibu ya watoto.*)
- Je, unafikiri Mungu angetimiza ahadi aliyoitoea? (*Ndiyo!*)
- Nafikiri hivyo pia! MUNGU DAIMA hutimiza ahadi zake!!!!

Mungu aliwaahidi Wayahudi Mfalme na Mwokozi

- Mungu ana kundi maalum la watu ambao tunawaita Wayahudi
- Muda mrefu uliopita Mungu aliwaahidi Wayahudi kwamba angewatumia Mfalme (ambaye Ufalme wake hautaisha)

- Wayahudi walisubiri na kumngoja Mfalme wao
- Walijua atakuja siku moja (kwa sababu Mungu DAIMA hutimiza ahadi zake!)

Yesu ni Mfalme wa Wayahudi

- Yesu ni Mfalme na Mwokozi ambaye Mungu aliahidi kwa Wayahudi
- Lakini Yesu alipokuja, kwanza Wayahudi hawakumtambua. *(Soma hadithi iliyo hapa chini mara moja peke yako na kisha uisome tena, ukiwauliza watoto kufanya matendo kwa mikono pamoja nawe.)*

Yesu alipokuja kama mtoto mchanga, Hawakumjua Yeye.	<i>(kunjia mikono kana kwamba unambeba mtoto (tikisa kichwa chako "Hapana!")</i>
Alipokua, Hawakumtambua.	<i>(inua mkono juu kuonyesha urefu (funika macho yako)</i>
Alipofanya miujiza, Walishangaa juu Yake.	<i>(inua mikono yako juu kwa mshangao (Jikune kichwa chako kwa mshangao)</i>
Alipowafufua wafu, Walianza kumwamini.	<i>(inua mikono yote miwili juu kwa kasi (tikisa kichwa chako "Ndio!")</i>
Alipoingia Yerusalemu kwa punda, Walimkaribisha kama Mfalme!	<i>(fanya kama vile kupanda na kushikilia punda) (inua mikono yako hewani)</i>
<i>Hosana! Amebarikiwa Mfalme!</i>	<i>(acha watoto warudie "Hosana!")</i>

Yesu aliingia Yerusalemu kwa punda (unabii unaotimia)

- Mungu aliwapa Wayahudi ishara nyingi zilizoahidiwa ili wamjue Mfalme wao atakapofika
- Ishara hizi huitwa unabii
- Moja ya unabii huu ulikuwa kwamba Mfalme wao atakuja kwa watu wake akiwa amepanda punda
- Yesu aliingia Yerusalemu kwa punda (kutimiza unabii)

Watu walimkaribisha siku hiyo kama Mfalme wao

- Watu walisikia Yesu anakuja!
- Wakaendana kuchukua matawi ya mitende *(shika tawi la mitende)* na kuyaweka njiani ili Yeye atembelee juu yake.
- Na siku hiyo walimkaribisha kama Mfalme wao!
- Walipiga kelele Hosana! Amebarikiwa Mfalme! *(Waambie watoto warudie neno "Hosana!" na kuinua mikono yao kwa sifa.)*

KUMBUKA: Neno "Hosana" kihalisi linamaanisha "Tuokoe, tunaomba." Watu walimtambua Yesu Kristo kuwa Mfalme na Mwokozi wao aliyeahidiwa. Wakitambua kwamba Masiya wao aliyeahidiwa amekuja, mara moja walitafuta wokovu huku wakipaza sauti "tuokoe, twaomba!"

Rejea: <http://www.bibleornot.org/hosanna-save-us-we-pray/>

Ombi: Tuombe na kumshukuru Mungu kwa kumtuma Yesu kama Mwokozi na Mfalme wetu.

Mungu mpendwa,
Asante kwa kuwa unatupenda.
Asante kwa kumtuma Yesu awe Mwokozi na Mfalme wetu.
Amina.

Shughuli Zinazopendekezwa: (Chagua shughuli zinazokufaa zaidi!)

Amebarikiwa Mfalme!

Soma hadithi hii kutoka kwa somo tena na waambie watoto warudie ishara za mikono pamoja nawe. Tumia matawi ya mitende kutikisa, ikiwa unayo.

Yesu alipokuja kama mtoto mchanga, Hawakumjua Yeye.	(kunja mikono kana kwamba unambeba mtoto) (tikisa kichwa chako "Hapana!")
Alipokua, Hawakumtambua.	(inua mkono juu kuonyesha urefu) (funika macho yako)
Alipofanya miujiza, Walishangaa juu Yake.	(inua mikono yako juu kwa mshangao) (Jikune kichwa chako kwa mshangao)
Alipowafufua wafu, Walianza kumwamini.	(inua mikono yote miwili juu kwa kasi) (tikisa kichwa chako "Ndio!")
Alipoingia Yerusalemu kwa punda, Walimkaribisha kama Mfalme! Hosana! Amebarikiwa Mfalme!	(fanya kama vile kupanda na kushikilia punda) (inua mikono yako hewani) (acha watoto warudie "Hosana!")

Matawi ya Mitende.

Vitu Vinavyohitajika: Nakala ya ukurasa wa kuchorea tawi la mitende ya kila mtoto, mkasi na kalamu za rangi.

Kabla ya darasa: Nakili karatasi moja ya kuchorea kwa kila mtoto. AU Kwa kutumia mchoro uliotolewa kwenye karatasi iliyoambatanishwa, chora "tawi la mitende" kwenye karatasi kulingana na idadi ya watoto. Watoto wakubwa wanaweza kutumia muundo kuchora matawi yao ya mitende.


Wakati wa darasa: Wape watoto kalamu za rangi na mkasi. Waruhusu kupaka rangi na kisha kukata matawi yao ya mitende.

Gwaride la Jumapili ya Mitende

(Si lazima uwe na matawi ya mitende kufanya hivi! Lakini hakikisha unayatumia ikiwa unayo.) Wapange watoto katika gwaride. Waambie watembe kuzunguka chumba, au ikiwezekana kwenye darasa lililo karibu (madarasa ya watu wazima yatafurahia jambo hili, lakini hakikisha umefanya mipango kabla), wakipeperusha matawi yao ya mitende hewani na kusema "Hosana! Amebarikiwa Mfalme!" au kuimba wimbo unaopenda kama vile "Yesu Ananipenda." Kisha rudi kwenye chumba na mpate vitafunio!

Vitafunio Vilivyopendekezwa:

Pasaka ni Jumapili ijayo. Hiyo inapaswa kukupa maoni kadhaa kuhusu vitafunio.



Chakula cha jioni cha Mwisho (pamoja na Wanafunzi wake)

Ushauri kwa Mwalimu: Watoto Wadogo watapenda kujifunza kuhusu chakula cha jioni cha Mwisho cha Yesu pamoja na Wanafunzi Wake. Wakati wa Chakula cha Jioni cha Mwisho Yesu aliwapa picha ya Agano Jipya alilolanzisha kati ya Mungu na Wanadamu. Tunaita picha hii “Meza ya Bwana” (au Ushirika.)

Kufundisha watoto wadogo kuhusu Meza ya Bwana ni jambo tamu na la maana. Watoto wadogo wanaonekana kuelewa kwamba jambo moja linaweza kusimamia lingine. Mkate unawakilisha mwili wa Kristo, unaovunjwa kwa ajili yetu, na divai inawakilisha damu ya Kristo, iliyomwagwa kwa ajili yetu. Ni sawa na jinsi Kristo alivyotuwakilisha (au kufa kwa ajili yetu) pale msalabani.

Wakati wa somo unaweza kusambaza biskuti na juisi ili kuonyesha mkate na divai. (*Unaweza kutaka kupata idhini ya jambo hili kutoka kwa Mchungaji wako kabla ya somo.*) Akiulizwa, Mchungaji wako anaweza hata kuwa tayari kuja darasani kwako ili kuzungumza kuhusu Meza ya Bwana na watoto! (*Uliza mapema!!*)

Utakachohitaji: Biskuti na juisi, vikombe vidogo vya karatasi
Nakala za karatasi ya shughuli kwa wanafunzi wote (kalamu za rangi, penseli, n.k.)

Hoja Kuu: Yesu alikuwa na Chakula cha Jioni cha Mwisho pamoja na Wanafunzi wake
Aliwaomba wamkumbuke
Yesu aliwapa picha ili kutusaidia kumkumbuka
Tunaita picha hiyo, Meza ya Bwana
Picha hii ni ya kutusaidia kukumbuka kile Yesu alichotufanyia

Maandiko: Luka 22:15-20 (Meza ya Bwana)

Mstari wa Kumbukumbu: Luka 22:19 ...*Fanyeni hivi kwa ukumbusho wangu.*

Somo: **Yesu alikula Chakula cha Jioni cha Mwisho pamoja na Wanafunzi wake**

- Nina swali la kuuliza... Je, tunaitaje chakula tunachokula asubuhi tunapoamka? (*Kiamsha kinywa*)
- Na tunaitaje chakula tunachokula katikati ya mchana? (*Chakula cha mchana*)
- Na mlo tunaupata mwisho wa siku tunaitaje? (*Chakula cha jioni*)

- Ni wangapi kati yenu waliokula chakula cha jioni jana usiku? Je, unakumbuka ulikula nini? (*Subiri majibu.*)
- Hiyo ni nzuri! Unakumbuka mengi!
- Leo tutazungumzia chakula kingine cha jioni tunachokumbuka. Kilikuwa ni chakula cha jioni muhimu sana. Tutazungumza kuhusu Chakula cha Jioni cha Mwisho ambacho Yesu alikula pamoja na Wanafunzi wake.

Yesu aliwaomba Wanafunzi wamkumbuke

- Yesu alikula Chakula cha Jioni cha Mwisho duniani pamoja na Wanafunzi wake kwa sababu aliwapenda sana.
- Yesu anatupenda sana pia.
- Tunakumbuka na kufikiria kuhusu watu tunaowapenda.
- Wakati wa Chakula cha Jioni cha Mwisho Yesu alikula pamoja na Wanafunzi wake, aliwaomba wamkumbuke.
- Kweli, aliwaomba wamkumbuke kwa namna ya pekee.
- Yesu aliwapa aina ya picha ili wamkumbuke kwayo.

Yesu aliwapa picha ili kutusaidia kumkumbuka

- Picha aliyowapa haikupigwa kwa kamera
- Haikuchorwa kwenye karatasi au kupakwa rangi kwenye turubai.
- Picha ambayo Yesu aliwapa ilikuwa ya mkate na divai. (*Je, unaweza kufikiria picha iliyochorwa na mkate na divai? Huwezi kuwa na picha ikiwa utaichora kwa kipande cha mkate... Hilo halitafanya kazi!*)

Tunaita picha... Meza ya Bwana

- Picha hii maalum inaitwa Meza ya Bwana. Yesu ni Bwana. Na hivyo ni Meza yake.
- Katika Meza ya Bwana kuna mkate na divai (au juisi ya zabibu!)
- Hizi husaidia “kuchora” picha ya kile Yesu alichotufanyia!!

Picha ni ya kutusaidia kukumbuka kile Yesu alichotufanyia!

- Yesu alisema mkate ulikuwa mwili wake, ambao ulivunjwa kwa ajili yetu
- Yesu alisema divai ni damu yake, iliyomwagika kwa ajili yetu
- Mkate na divai vinawakilisha kile Yesu alichofanya msalabani kwa ajili yetu
- Picha, ya Meza ya Bwana, inatusaidia kukumbuka kile Yesu alichotufanyia!
- Tunapoadhimisha Meza ya Bwana, tunapaswa kukumbuka Yesu na kile alichotufanyia msalabani!

Hebu tuombe na kumshukuru Mungu kwa kumtuma Yesu na kwa kutupatia picha ili kutusaidia kumkumbuka!

Ombi: Mungu mpendwa,
Asante kwa kumtuma Yesu.
Asante kwa kutupa picha ili kutusaidia kumkumbuka!
Asante kwa kutupenda.
Tunakupenda tena!
Amina

Shughuli Zilizopendekezwa:

Piga picha

Waambie watoto WACHORE picha yao wenyewe juu ya karatasi ya shughuli yenye somo hili.

Kwenye sehemu ya chini ya karatasi, chini ya picha hiyo, andika: “Hii ni picha yangu katika tarehe hii. Meza ya Bwana ni kama picha ya kile Yesu alichotufanyia msalabani.” Wape karatasi hizi wapeleke nyumbani ili ziwekwe kwenye vyumba vyao.

Igiza Chakula cha Jioni cha Mwisho

Tengeneza mahali katika chumba ili kuiga mkutano wa Yesu na Wanafunzi wakati wa Chakula cha Jioni cha Mwisho. Wakalishe watoto pamoja kama wamekusanyika karibu na meza kubwa ya chini.

Mifano ya kuunda meza kubwa ya chini:

Weka karatasi kubwa au blanketi kwenye sakafu.
Vuta meza kadhaa ndogo pamoja na uwaweke watoto karibu nao.

Toa biskuti na juisi na uwaache watoto wale wakiwa wameketi kuzunguka meza.

KUMBUKA: Katika umri huu mdogo, SINGEpendekeza kupitia upya maneno ya Yesu kwenye Chakula cha Jioni cha Mwisho wakati wa shughuli hii. Pengine inatosha kuwapa watoto uzoefu wa kula pamoja wakiwa wameketi kuzunguka meza. Wakumbushe kwamba Yesu alikula Chakula Chake cha Mwisho pamoja na wanafunzi wake kwa sababu aliwapenda sana, na kwamba anatupenda sisi sote pia! Ikiwa darasa lako linaonekana kupendezwa sana na maana ya mkate na divai, mwombe Mchungaji wako aje na kutoa hotuba kwa darasa lako kuhusu Ushirika hapo baadaye.

Ikiwa watoto katika darasa lako ni wakubwa, unaweza kutaka kurejelea somo letu la Chakula cha Mwisho lililoandikwa kwa ajili ya Wanafunzi wa Shule ya Msingi.

Mchezo wa kuganda

Baada ya kukaa kwa muda mrefu, mchezo mzuri unaweza kuwa kile ambacho watoto wako wanahitaji!

Maelekezo: Bainisha nafasi ya kuchezea. (*Hakikisha haina vizuizi.*) Watoto watatu wameteuliwa kucheza Waambie watoto walioteuliwa wasimame katikati ya nafasi, nawaache watoto wengine wasimame karibu nao. Kwa ishara ya kuanza, watoto ambao wameteuliwa hujaribu kugusa watoto wengine ambao wamewazunguka. Wanapoguswa lazima "wajigandishe" mahali walipo. Wakati karibu kila mtu "amegandishwa" chagua watu 3 wanya na Cheza tena!

Mbadala: Ukipenda, mkabidhi mtu mmoja ambaye anaweza "kufungua watu" kwa kuwagusa tu, isipokuwa waguswe na "kugandishwa" wenyewe.

Hii ni picha yangu:

Siku hii:

Sasa, unapoona picha hii, unaweza kunifikiria!

Meza ya Bwana ni kama picha ya kile Yesu alichotufanyia msalabani. Sasa, tunapoona picha hiyo, tunaweza kumfikiria Yeye!

Yesu Anasali Gethsemene

Ushauri kwa Mwalimu: Mojawapo ya hadithi zenye kuhuzunisha na zenye nguvu zaidi katika Biblia ni hadithi ya Yesu katika bustani ya Gethsemene. Ni pale ambapo Yesu alisali usiku uliotangulia kifo chake, akimwomba Baba yake, "...kama inawezekana, kikombe hiki na kiniondokee." Hata hivyo, Yesu alimaliza maombi yake kwa maneno haya, "...Lakini si kama nipendavyo mimi, bali kama upendavyo wewe."

Yesu alipitia maumivu makali sana pale kwenye Bustani, mpaka kutokwa na jasho la damu. Lakini licha ya hili alibaki mwaminifu kwa mapenzi ya Baba. Ilikuwa muhimu kwamba Mwokozi (Yesu) awe dhabihu ya hiari. Isingekuwa sawa kwa Mungu Baba kwa namna fulani kumlazimisha Mwanawe, Yesu, kufa msalabani. Lakini Yesu, ingawa Yeye katika ubinadamu wake aliogopa kufa msalabani, alikuwa tayari kufanya kile ambacho Baba yake aliuliza, hata kama ingemaanisha kifo chake.

Petro alipopigana wakati Yesu alipokamatwa, Yesu alimsimamisha na kumuuliza *"Je, unadhani siwezi kumwomba Baba yangu naye mara moja akaniletea zaidi ya majeshi kumi na mawili ya malaika? Lakini je, yale Maandiko yanayotabiri kwamba ni lazima itendeke hivi yatatimiaje?" (Mathayo 26:53-54)*

Yesu hakulazimishwa kufa msalabani. Kama alivyomwambia Petro, Angeweza kumwita Baba Yake na kupokea usaidizi wa mara moja wa zaidi ya majeshi 12 ya malaika (zaidi ya kutosha!) Lakini Alitaka kufanya mapenzi ya Baba, kutimiza Maandiko, na kuwaweka wanadamu huru kutoka katika dhambi na mauti.

Yesu alikwenda msalabani kwa hiari kwa ajili yako na kwa ajili yangu.

Utakachohitaji: Nakala ya karatasi ya Shughuli kwa kila mtoto, na kalamu za rangi

Hoja Kuu: Yesu alisali kwenye Mlima wa Mizeituni mahali paitwapo Gethsemene
Yesu alisema, "kama inawezekana, kikombe hiki na kiniondokee."
Kisha Yesu akasema, "...Lakini si kama nipendavyo, bali mapenzi yako yatendeke."
Yesu alikwenda msalabani kwa hiari kwa ajili yako na mimi.
Yesu yu hai sasa milele!

Maandiko: Luka 22:39-46

Mstari wa Kumbukumbu: Luka 22:42 “...Lakini si kama nipendavyo, bali mapenzi yako yatendeke.”

Somo: **Yesu aliomba mahali paitwapo Gethsemane**

- Ni wangapi kati yenu wanaomba? (*Subiri majibu.*) Vizuri! Ninafurahi kwamba unaomba!
- Huwa unaomba lini? (*Subiri majibu; mengine yanaweza kuwa tayari yametolewa.*)
- Mara nyingi tunaomba pamoja kabla ya kula, au kabla tu ya kulala. Tunaomba pamoja kanisani.
- Je, unajua kwamba Yesu aliomba? Aliomba sana. Biblia inazungumza kuhusu Yeye kuomba usiku, asubuhi na mapema, mbele ya makundi makubwa, pamoja na Wanafunzi Wake, na hata peke yake. Daima aliomba kwa Baba Yake wa Mbinguni (Mungu Baba.)
- Biblia pia inatuambia kwamba aliomba usiku kabla ya kifo chake msalabani.
- Usiku huo aliomba kwenye Mlima wa Mizeituni mahali paitwapo Gethsemane.

Yesu alisema, “kama inawezekana, kikombe hiki na kiniondokee;”

- Yesu alijua kwamba alikuwa karibu kwenda kwenye kifo chake.
- Aliomba “kama inawezekana, kikombe hiki na kiniondokee;
- Kikombe, kikombe gani? Yesu anazungumzia kikombe gani?
- Anazungumza kuhusu kifo chake kinachokuja
- Yesu hakutarajia kufa msalabani. Alimwomba Baba yake, kama alikuwa tayari, kumwondolea kikombe hiki, au kumruhusu asife msalabani, ikiwa ni katika mapenzi ya Mungu.

Kisha Yesu akasema, “...Lakini si kama nipendavyo, bali mapenzi yako yatendeke.”

- Je, kuwa tayari kulimaanisha nini? Itakuwaje nikikuuliza “ni nani atakayekula keki hii kwa ajili yangu?” Ninawazia kwamba baadhi yenu wangukuwa tayari kula keki kwa ajili yangu.
- Au vipi nikiuliza “Ni nani atakayeenda nami kwenye mbuga ya wanyama?” Ninawazia kwamba baadhi yenu wanaweza kuwa tayari kwenda nami kwenye mbuga ya wanyama.
- Unaposema **UTAFANYA** kitu maana yake ni kwamba uko **TAYARI** kukifanya. Ina maana kwamba unachagua kufanya.
- Inaweza kufanya kazi kwa njia nyingine pia. Itakuwaje nikiuliza, “Nani ataniondolea takataka?” Labda sio watu wengi wangukuwa tayari kufanya hivyo.

- Au vipi nikiuliza “Ni nani atanifanyia kazi kwa bidii katika shamba langu kila siku kwa juma moja?” Pengine si watu wengi wangukuwa tayari kufanya hivyo... hata kama ningewalipa!
- Lakini itakuwaje nikiuliza, “Ni nani atakayekufa kwa ajili yangu?” Kisha karibu mkono wa kila mtu huenda chini. Ni watu wachache tu ambao wangukuwa tayari kufa kwa ajili yangu.
- Yesu alisema “...Lakini si kama nipendavyo, bali mapenzi yako yatendeke!

Yesu alikwenda msalabani kwa hiari kwa ajili yako na mimi.

- Yesu alikwenda msalabani kwa hiari.
- Hakuna mtu aliyemlazimisha kwenda!
- Alichagua kuutoa uhai Wake kwa ajili ya marafiki zake (mimi na wewe!)

Yesu yu hai sasa milele!

- Lakini Habari Njema ni kwamba YESU HAJAFA sasa!
- Siku ya tatu, Mungu alimfufua Yesu kutoka kwa wafu!
- Sasa Yesu anaishi milele!
- Kwa sababu ya kile Yesu alifanya, tunaweza kuishi milele pamoja Naye pia!

Hebu tuombe pamoja na kumshukuru kwamba Yesu Mwanawe alikuwa tayari kufanya mapenzi ya Baba Yake!

Ombi: Mungu mpendwa,
Asante kwamba Yesu alikuwa tayari kufanya mapenzi yako!
Asante kwamba alikufa msalabani kwa ajili yetu!
Asante kwa kuwa sasa Yesu yu hai milele!
Amina!

Shughuli Zilizopendekezwa:

Ukurasa wa Kuchorea Tawi la Mzeituni

Wape watoto nakala ya Karatasi ya Shughuli ya Gethsemene iliyoambatishwa. Ruhusu watoto kupaka rangi tawi la mzeituni lililo kwenye picha. Wahimize kuchora picha ya Yesu akiomba kwa Baba yake kwenye Mlima wa Mizeituni.

Wakati wanachora, unaweza kutaka kuwasomea hadithi hii fupi. (Ni kweli.)

“Mwanamke aliyechora picha hii ya tawi la mzeituni, (ingawa anakiri kwamba yeye si mchoraji mzuri) amewahi kufika kwenye Mlima wa Mizeituni na kuiona mizeituni ambayo bado ipo. Ni mahali pa upweke na tulivu, panapojaa jua na upepo wakati wa mchana. Kwa kweli ni mlima mzuri mrefu na kutoka juu yake unaweza kuona pande zote. Jiji la Yerusalemu liko mbele yake moja kwa moja, kwenye mlima mwingine, na unaweza kuliona kwa urahisi.

Mizeituni hio ni ya zamani sana. Gamba lake ni gumu na karibu linang'aa ni kijivu sana. Majani yake ni marefu na membamba, na rangi ya kijivu-kijani. Mizeituni iliyo kwenye miti ni ya kijani kibichi ikiwa haijaiva na ya rangi ya zambarau-nyeusi inapoiva.

Mwanamke huyo anataka ujue kwamba alipokuwa msichana mdogo ilikuwa vigumu kwake kuwazia kwamba sehemu mbalimbali katika Biblia zilikuwa sehemu halisi ambapo unaweza kwenda kutembea. Zilionekana kuwa mbali sana na zamani sana. Lakini alipokua mkubwa zaidi Mungu alimruhusu kwenda kwenye Mlima wa Mizeituni na kuona mahali paitwapo Gethsemane. Akiwa huko, alikumbuka jinsi Yesu alivyokuwa hapo hapo pia (akalia kidogo.) Alikuchorea picha hii ili uweze kujua kwamba sehemu za Biblia zimo kweli.”

Tawi la Mzeituni



Shughuli Zilizopendekezwa (zinaendelea):

Sala ya Bwana

Katika shughuli hii watoto watajifunza maana ya sehemu ya kwanza ya Sala ya Bwana.

Sema hivi kwa watoto:

Katika Gethsemane, Yesu aliomba "...*Lakini si kama nipendavyo, bali mapenzi yako yatendeke.*" Tumezungumza mengi leo kuhusu maana ya "mapenzi". Hebu tujifunze sehemu ya sala ambayo Yesu aliwafundisha Wanafunzi Wake walipomuuliza "Tunapaswa kuomba jinsi gani?" Je, unafikiri Yesu alifanya mambo aliyowafundisha wanafunzi Wake alipoomba? Je, alichagua mapenzi ya Baba? (*Ndiyo*)

Sala ya Bwana (au Sehemu ya Sala ambayo Yesu aliwafundisha Wanafunzi Wake)

Hivi basi, ndivyo iwapasavyo kuomba: "Baba yetu uliye mbinguni, Jina lako litukuzwe. Ufalme wako uje. Mapenzi yako yafanyike hapa duniani kama huko mbinguni

(Mathayo 6:9-10)

KUMBUKA: Kulingana na umri wa watoto katika kikundi chako, pitia maelezo yafuatayo pamoja nao. Fanya angalau "**mapenzi Yako yafanyike**" na "**Duniani kama huko mbinguni.**"

Baba yetu

- ina maana kwamba tunazungumza na Mungu Baba

Wa mbinguni

- ina maana kwamba Mungu Baba yuko mbinguni

Jina lako litukuzwe

- Ina maana kwamba jina la Mungu ni maalum sana kwetu na tunamsifu

Ufalme wako uje

- ina maana kwamba tunataka Mungu aulete Ufalme wake hapa sasa na baadaye (Yesu atakaporudi duniani tena)

Mapenzi yako yatimizwe

- inamaanisha kwamba tunataka mapenzi ya Mungu yafanyike katika mambo yote
- hata kama inaweza kuwa si sawa kabisa na mapenzi yetu
- Kama vile Yesu alivyoomba "...si mapenzi yangu, bali yako yatendeke."

Duniani, kama huko mbinguni

- inamaanisha kwamba tunataka mapenzi ya Mungu yatendeke hapa duniani kama vile tayari imefanyika mbinguni

Acha watoto wakubwa wakariri baadhi ya maneno, au uyanakili kwenye karatasi.

Kifo, Kuzikwa, na Kufufuka kwa Yesu (Ijumaa ilikuwa ya Huzuni, lakini Jumapili ilikuwa ya Furaha!)

Ushauri kwa Mwalimu: Ni vizuri sana! Unaenda kuwafundisha watoto kuhusu Pasaka ya kwanza! Ni jambo nzuri na takatifu kuwafundisha watoto kuhusu Kifo, Kuzikwa, na Ufufuo wa Yesu. Kama unavyojua, huu ndio msingi wa Ujumbe wa Injili! Mungu akubariki!

Hakikisha umesali kabla, na kutayarisha moyo wako mwenyewe kuwasilisha kweli hizi za thamani kwa watoto hawa wa thamani. Mungu akubariki!

KUMBUKA: Wakati wowote unapofundisha watoto kuhusu Kusulubishwa kwa Yesu, ni muhimu kuwafundisha kuhusu Ufufuo Wake wakati wa somo sawa! Hakikisha kuwafundisha kusulubiwa na ufufuo siku moja!

Ili kujitayarisha kufundisha somo hili soma Yohana sura ya 19 na 20, ukitilia mkazo mistari ifuatayo: Yohana 19:41-42 na Yohana 20:11-18

Utakachohitaji: Karatasi, kalamu za rangi, penseli na gundi

Hoja Kuu: Ijumaa moja, Yesu alikufa msalabani kwa ajili ya dhambi zetu. Yesu alizikwa siku hiyo hiyo. Kila mtu aliyependa Yesu alihuzunika! Lakini... Jumapili hiyo, Yesu alifufuka kutoka kwa wafu! Kila mtu aliyependa Yesu alifurahi! Tunaweza kufurahi pia! Tunaweza kuishi naye milele

Maandiko: Yohana Sura ya 19 na 20 (Yohana 19:41-42, na Yohana 20:11-18))

Somo: “Ijumaa ilikuwa ya huzuni, lakini Jumapili ilikuwa ya furaha”

Ijumaa moja, Yesu alikufa msalabani kwa ajili ya dhambi zetu.

- Ijumaa moja, Yesu alitoa maisha yake kwa ajili yetu.
- Alikufa msalabani ili kulipia dhambi zetu
- Dhambi ni pale tunapofanya jambo ambalo tunajua si sahihi kwa makusudi.
- Dhambi sio sawa na kukosa bila kukusudia
- [KUMBUKA: zungumza na darasa lako kuhusu dhambi, kulingana na kiwango cha uelewa katika kikundi chako.]

Yesu alizikwa siku hiyo hiyo.

- Siku hiyo hiyo Yesu alikufa, marafiki zake walimzika kaburini.
- Huenda kaburi la Yesu lilikuwa kama pango dogo mlimani lenye mwamba mkubwa ulioviringishwa mbele yake.

Kila mtu aliyempenda Yesu alihuzunika.

- Kila mtu aliyempenda Yesu alihuzunika: wanafunzi, familia yake, na marafiki zake.
- *[Jadili kidogo kuhusu kifo na mazishi darasani lako. Huenda watoto hao wana wanafamilia waliokufa na kuzikwa. Ikiwa sivyo, wanaweza kuwa na mnyama ambaye alikufa. Zungumza kuhusu hisia za huzuni ambazo tunaweza kuwa nazo watu tunaowajua na kuwapenda wanapokufa.]*
- Kama vile tunavyohuzunika, mtu tunayemjua na kumpenda akifa, baada ya Yesu kufa watu wote waliomjua na kumpenda walihuzunika sana.

Lakini...Jumapili hiyo, Yesu alifufuka kutoka kwa wafu!

- Jumapili baada ya Ijumaa... *[Hesabu kwa vidole vyako: "Ijumaa... Jumamosi... Jumapili." Onyesha vidole vitatu: kimoja kwa kila siku.]*
- Siku ya Jumapili baada ya Ijumaa, au kama wasemavyo katika Biblia "Siku ya tatu" *[Nyoosha vidole vitatu tena. Watoto warudie.]*
- Siku ya tatu, Yesu alifufuka kutoka kwa wafu!
- Hiyo ina maana gani? Ina maana kwamba Yesu hakuwa amekufa tena! Ina maana kwamba Yesu hakuwa kaburini tena!
- Hebu tujue jinsi ilivyotokea!
- Siku ya Jumapili... au siku ya tatu... *[Nyoosha vidole vitatu] ...* baadhi ya watu, ambao walikuwa marafiki zake Yesu, walikuja kaburini.
- Lakini kaburi lilikuwa tupu! Yesu alikuwa wapi? Hakuna aliyejua!
- Mwanamke mmoja aitwaye Maria alikuwepo. Alikuwa akilia nje ya kaburi tupu.
- Maria alitazama ndani ya kaburi na kuona malaika wawili.
- "Mama, kwa nini unalia?" waliuliza. Walimwambia kwamba Yesu hayupo tena, lakini YUKO HAI!
- Maria akageuka na kumwona mtu... alikuwa ni YESU!
- Alikuwa hai tena! Maria alifurahi sana!!

Kila mtu alifurahi!

- Yesu alikuwa amefufuka kutoka kwa wafu!
- Alikuwa hai milele!
- Kila mtu aliyemjua na kumpenda Yesu alifurahi!

Tunaweza kufurahi pia!

- Tunaweza kufurahi kwamba Yesu alifufuka kutoka kwa wafu.

Kwa sababu ya kile Yesu alifanya, tunaweza kuishi naye milele!

Ombi: Hebu tuombe na kumshukuru Mungu kwamba tunaweza kuishi pamoja na Yesu milele.)

(Waambie watoto warudie mistari baada yako.)
Mungu mpendwa,
Asante kwa kuwa unatupenda.
Asante kwa kuwa Yesu yu hai.
Asante kwamba tunaweza kuishi naye milele.
Amina.

Shughuli: (Chagua zinazofaa zaidi kwa darasa lako.)

Kadi ya "Ijumaa ilikuwa ya Kuhuzunisha, lakini Jumapili Ilikuwa ya furaha!"

Wazo ni kutengeneza Kadi nzuri ya Pasaka kwa wanafamilia au marafiki, kwa kutumia karatasi za kuchorea zilizoambatanishwa.

Ikiwezekana, nakili kurasa zote mbili ili ziwe MBELE NA NYUMA ya karatasi ile ile kwa kila mtoto. Kisha kunja karatasi kwa nusu ili kutengeneza kadi.

Kwa **watoto wakubwa** wahimiza kupamba msalaba kwa kufanya kitu cha ubunifu kama kuchora maua juu yake au kuandika jina la Yesu juu yake. Pia wahimiza wamchore Yesu akiwa hai ndani ya kadi, karibu na kaburi tupu.

Andika "Pasaka Njema!" Ikiwa unaweza kupata vibandiko vya maua, au maua madogo, yanaweza kutumika kupamba msalaba ulio mbele ya kadi..

Jifunze Siku za Wiki:

Kama tu katika somo, inua vidole vyako kuhesabu siku za juma pamoja na watoto. Anza na siku ya kwanza ya juma, Jumapili. Inua kidole kimoja kwa kila siku unapohesabu siku za juma.

Sema siku za wiki na watoto:


Jumapili, Jumatatu, Jumanne, Jumatano, Alhamisi, Ijumaa, Jumamosi.

Je, kuna siku ngapi za wiki? (*Saba*)


Wacha tuhesabu tena. (*Rudia*)

Wakumbushe watoto yale waliyojifunza katika somo: Yesu alikufa na akazikwa siku ya Ijumaa. Alifufuliwa kutoka kwa wafu Jumapili iliyofuata. Ilikuwa siku ya tatu. Ijumaa, Jumamosi, Jumapili (*Siku tatu.*)

Ijumaa ilikuwa ya huzuni!



Lakini...
Jumapili ilikuwa ya Furaha!



Pasaka njema!

Shughuli (zinaendelea):

Furaha (Si ya Kuhuzunisha) kutafuta mifuko ya Pasaka:

Kabla ya darasa:Tafuta mifuko midogo tupu, ya kutosha kuwa na 2-3 kwa kila mtoto darasani. Weka vitu vidogo kwenye mifuko ambavyo vinawakumbusha watoto kwamba Yesu anawapenda! (*Kwa mfano, unaweza kujumuisha karatasi ndogo zenye maneno “Yesu Anakupenda”, au vibandiko vidogo vya msalaba, au vibandiko vingine vinavyohusiana na Pasaka au Upendo. Unaweza pia kuchagua kuongeza peremende, n.k.*)

KUMBUKA: Ukiamua kujumuisha peremende katika mifuko yoyote ya Pasaka, hakikisha **unafuata miongozo yoyote ambayo kanisa lako linaweza kuwa nayo** kuhusu usambazaji wa peremende kwa watoto. Ikiwa una maswali yoyote, tafadhali wasiliana mapema na kiongozi wa timu ya Huduma ya Watoto au wafanyakazi wa kanisa.

Ficha mifuko darasani au mahali karibu na darasa ambapo watoto wanaweza kutafuta kwa usalama mwishoni mwa somo.

Wakati wa darasa: Waambie watoto kwamba “Kama vile wanawake walivyoenda kumtafuta Yesu kaburini, tutakwenda kutafuta mifuko ya Pasaka. Wanawake walikwenda wakitarajia kupata kitu cha KUSIKITISHA (Yesu angali kaburini) lakini badala yake wale wanawake walipata kitu AMBACHO KILIFURAHISHA (Yesu alikuwa hai tena! Kaburi lilikuwa TUPU!)”

Wakati watoto wanapata mifuko yote, na wamegawanya kwa usawa kati yao, waonyeshe watoto kwamba kuna mambo ya ajabu ya KUFURAHISHA ndani yake! Soma baadhi ya karatasi zinazosema “Yesu Anakupenda!” na kula baadhi ya pipi! Wakumbushe watoto kwamba “KWA SABABU ya Ufufuo, asubuhi ya Pasaka INA FURAHA, SI YA HUZUNI!”

Imba Wimbo wa Furaha:

Imba “Hii ndiyo Siku” (iliyofanywa na BWANA) pamoja na watoto. Zungumza jinsi tulivyo na furaha siku ya Pasaka kwa sababu ya yote ambayo Mungu amefanya katika siku hii ya ajabu!!

Hii ndio siku (Hii ndio siku)
Aliyoifanya BWANA (aliyoifanya BWANA.)
Nitafurahi (Nitafurahi)
Na kushangilia (na kushangilia)

Hii ndio siku aliyoifanya BWANA.
Nitafurahi na kushangilia ndani yake!
Hii ndio siku, aliyoifanya Bwana

Kaburi Tupu! (Jumapili ya Pasaka)

Ushauri kwa Mwalimu: Hongera! Unaweza kuwafundisha watoto hadithi kuu ya Biblia kuliko zote: Ufufuo wa Yesu Kristo! PASAKA!!
Hakuna hadithi kuu ya nguvu na upendo wa Mungu, kuliko hadithi ya Pasaka: Siku ambayo Bwana, Yesu Kristo, alifufuliwa kutoka kwa wafu! Ni tukio lisilo na kifani katika historia ya mwanadamu na ni kitovu cha imani kuu za Ukristo.

Hakikisha umeomba na kuandaa moyo wako kusimulia hadithi ya Pasaka ya kwanza. Watoto watahitaji kujua hadithi hii milele!

KUMBUKA: Kila unapowafundisha watoto kuhusu Kusulubishwa kwa Yesu, ni muhimu kuwafundisha kuhusu Ufufuo wake pia!
Watoto wanahitaji kujua kwamba Yesu yu Hai

Ili kujiandaa kufundisha somo hili, soma Yohana 20:1-18.
(Unaweza pia kutaka kurejelea vifungu katika injili nyingine kuhusu matukio kwenye Kaburi Tupu, kwa mfano Luka 24:1-12.)

Utakachohitaji: Sahani za karatasi (mbili kwa kila mtoto), vikombe vya karatasi, mkasi na kalamu za rangi

Hoja Kuu: Yesu alikufa msalabani na kuzikwa kaburini
Jumapili hiyo baadhi ya wanawake walikuja kuzuru kaburi lake
Kaburi lilikuwa tupu!
Malaika alisema kwamba Yesu alikuwa hai!
Maria Magdalena alimwona Yesu akiwa hai!
Yesu yu hai!!

Maandiko: Yohana 20:1-18

Somo: Kaburi Tupu.

Siku moja Yesu alikufa msalabani na akazikwa kaburini.

- Kaburi ni nini? (Subiri majibu. Sikiliza kwa makini. Kisha utoe jibu hili kama halijaelezwata tayari. Kaburi ni pale wanapozika mwili wa mtu baada ya kufa. Kaburi kwa kawaida zamani palikuwa ni mahali pa kuchongwa kando ya kilima na mara nyingi huviringisha jiwe mbele yake ili kuifunga.)
- Makaburi yanaweza kufunguliwa na kufungwa kwa kuviringisha jiwe na kulirudisha.
- Mawe yaliyo mbele ya makaburi ni mazito sana na ni magumu kuyaviringisha!!

Jumapili hiyo baadhi ya wanawake walikuja kuzuru kaburi lake

- Mara nyingi, watu wanapokufa, marafiki na familia zao huenda kuzuru kaburi. (*Wakati mwingine huomba, au kulia, au kuleta maua*)
- Yesu alikuwa na marafiki na familia ambao walimkosa.
- Siku ya Jumapili baada ya Yeye kufa baadhi ya wanawake, ambao walikuwa marafiki na wanafamilia, walikuja kuzuru kaburi la Yesu.
- Walikuja asubuhi na mapema, baada tu ya jua kuchomoza

Kaburi lilikuwa tupu!

- Walipofika walikuta kaburi lilikuwa tupu!
- Jiwe lilikuwa limeviringishwa!
- Walishangaa sana!
- Walitazamia kupata mwili wa Yesu hapo.
- Lakini haikuwepo!! Ilikuwa wapi??? Hawakujua!!

Malaika alisema kwamba Yesu alikuwa hai!

- Mwanamke mmoja aitwaye Maria Magdalena alisimama mbele ya kaburi.
- Alikuwa akilia! Unafikiri kwa nini alikuwa akilia? (*Alihuzunika. Kwanza Yesu alikuwa amekufa na sasa mwili wake haukuwepo!*)
- Alitazama tena kaburini. Wakati huu aliona malaika wawili wameketi pale Yesu alipokuwa.
- Malaika wakamuuliza, “Mama, kwa nini unalia?”
- “Wamemuondoa Bwana wangu, na sijui wamemuweka wapi.”

Maria Magdalena alimwona Yesu akiwa hai!

- Ndipo Maria Magdalena akageuka, akamwona Yesu amesimama (*lakini hakumtambua mara ya kwanza*)
- “Mama, kwa nini unalia?” Alimuuliza.
- Akidhani ni mtunza bustani, akasema, Bwana, ikiwa umemchukua, niambie ulipomweka, nami nitamchukua.
- Kisha Yesu akamwambia “Maria.”
- Ndipo akamtambua. Alijua ni Yesu!!

Yesu yu hai!

- Yesu alikuwa hai!
- Maria Magdalena alikimbia na kuwaambia wanafunzi: “Nimemwona Bwana!”
- Baadaye siku hiyo wanafunzi walimwona Yesu pia!
- Siku arobaini baadaye, Yesu alipaa mbinguni ili kuwa pamoja na Baba yake
- Yesu yu hai leo na hata milele!!

Tuombe na kumshukuru Mungu kwamba Yesu yu hai milele!

Ombi: Mungu mpendwa,
Asante kwamba Yesu alikuja na kufa msalabani kwa ajili yetu!
Asante kwamba alizikwa kaburini.
Asante kwa kuwa alifufuka kutoka kwa wafu!
Asante kwa kuwa Yesu yu hai milele!
Amina

Shughuli Zilizopendekezwa:

Ufundi wa Kaburi Tupu

Huu ni ufundi wa kufurahisha kwa watoto ambao wanaweza kutumia mkasi. Ikiwa wanafunzi wako ni wadogo, utahitaji kukata sahani za karatasi kwa ajili yao. (Bado itakuwa ya kufurahisha kwao!)

- Kata sehemu ya chini ya sahani ya karatasi, ili iwe na ukingo mrefu.
- SI LAZIMA: Juu ya sehemu iliyojipinda ya sahani andika “Kaburi ni Tupu!” Au “Yesu yu Hai!” Au “Pasaka Njema!”
- Toboa shimo takriban ½ inchi kutoka kwenye ukingo mrefu katikati.
- Anzia kwenye shimo lililotobolewa na ukate shimo kubwa zaidi ya 2-3” kwa kipenyo
 (Usikaribie sana ukingo!)
- Weka kikombe cha karatasi kupitia shimo, ili sehemu ya juu tu ya kikombe itoke kutoka mbele ya sahani ya karatasi.
 (Ikiwa shimo si kubwa vya kutosha kuruhusu kikombe kupita, jaribu kupanua shimo kidogo.)
- Simamamisha karatasi kwenye ukingo wake mrefu.
- Kutoka kwenye sahani nyingine ya karatasi, kata mduara wa inchi 3.
- Waambie watoto wachore kwenye duara la inchi 3” ili lionekane kama jiwe kubwa.
- Vingirisha “jiwe” mbele ya kikombe.
- Vingirisha “jiwe” mbali na lango ili kuona Kaburi Tupu!!



Shughuli Zilizopendekezwa (zinaendelea):

Hadithi ya Kaburi Tupu – Mchezo wa Kuigiza wa Pasaka

Huu ni mchezo mfupi wa kuigiza wa Pasaka kwa watoto wa miaka 4-7. Unahusiana na matukio yaliyoandikwa katika Yohana 20:1-18 . Msimulizi anasoma maandishi na watoto wanaweza (au wasiweze) kurudia mazungumzo. Tengeneza mchezo wa kuigiza katika darasa lako, ukiamua pamoja na watoto ni wapi kaburi tupu litakuwa, wapi malaika watakaa, na ni nani atakayecheza sehemu gani kwanza. Waruhusu watoto kufanya mchezo wa kuigiza zaidi ya mara moja na kujaribu sehemu mbalimbali. Mavazi, ikiwa unataka kuwa nayo, inaweza kuwa rahisi kama vipande vikubwa vya nguo vilivyopigwa kwenye mabega yao, na kufungwa kwenye kiuno. Hakuna vifaa vinavyohitajika, lakini unaweza kutaka kutumia meza iliyofunikwa kwa kitambaa cheupe kuashiria Kaburi Tupu.

MCHEZO WA KUIGIZA WA PASAKA – Hadithi ya Kaburi Tupu

MSIMULIZI: Yesu alikuwa amekufa msalabani siku chache tu zilizopita. Familia na marafiki zake wote walikuwa na huzuni. Baada ya kufa, alikuwa amezikwa kaburini. Familia na marafiki zake walimkumbuka sana!

Mapema siku ya kwanza ya juma, kukiwa bado giza, Maria Magdalena na wanawake wengine walikwenda kwenye kaburi na kuona kwamba jiwe limeondolewa!

Sasa Maria alisimama nje ya kaburi akilia. Alipokuwa akilia, akainama kuchungulia ndani ya kaburi, akaona malaika wawili waliovaa mavazi meupe, wameketi pale mwili wa Yesu ulipokuwa, mmoja kichwani na mwingine miguuni

Wakamwuliza, "Mama, unalia nini?"

MALAIKA: Mwanamke unalia nini?

MSIMULIZI: "Wamemuondoa Bwana wangu," akasema, "na sijui wamemweka wapi."

MARIA: Wamemuondoa Bwana wangu, na sijui wamemuweka wapi.

MSIMULIZI: Hapo akageuka nyuma akamwona Yesu amesimama, lakini hakutambua kuwa ni Yesu.

Akamuuliza, "Mama, unalia nini? Unamtafuta nani?"

YESU: Mwanamke unalia nini? Je, unamtafuta nani?

MSIMULIZI: Akidhani ni mtunza bustani, akasema, Bwana, ikiwa umemchukua, niambie ulipomweka, nami nitamchukua.”

MARIA: Bwana, ikiwa umembeba, niambie umemweka wapi, nami nitampata.

MSIMULIZI: Yesu akamwambia, "Maria."

YESU: Maria.

MSIMULIZI: Sasa Maria akamtambua. Ilikuwa ni Yesu! Alikuwa hai!

MARIA: Maria Magdalena alikimbia kuwaambia wanafunzi habari hii:
"Nimemwona Bwana!"
Nimemwona Bwana!

MSIMULIZI: Sasa marafiki na familia zote za Yesu walikuwa na furaha!

KILA MTU: Yesu yu Hai! Pasaka njema!

MWISHO

Yesu Awatokea Wanafunzi Wake (Tomaso mwenye shaka)

Ushauri kwa Mwalimu: Ni rahisi, pengine, kufikiria kidogo kuhusu Mwanafunzi aliyelitwa Tomaso. Tunaposikia habari zake, mara nyingi tunafikiri juu ya usemi unaojulikana sana “Tomasi mwenye shaka.” Tunakumbuka hadithi ya jinsi alivyowatilia shaka wanafunzi wengine, walipomwambia kwamba Yesu yu hai!

Tunashangaa ni mtu wa aina gani angetilia shaka Ufufuo wa Kristo, hata baada ya marafiki zake kumwambia walikuwa wamemwona Yesu akiwa hai tena. Tunamsikia akisema kwa ukaidi “*Nisipoziona zile alama za misumari mikononi mwake, na kutia kidole changu pale ilipo misumari, na kutia mkono wangu ubavuni mwake, sitaamini.*”

Tunasahau kwamba sura chache tu za mwanzo katika Injili ya Yohana, alikuwa Tomaso ambaye alionyesha ujasiri mkubwa kwa kusisitiza kwamba wanafunzi wote waende pamoja na Yesu Bethania, ingawa ilikuwa hatari kwao kufanya hivyo. Yohana anamshukuru Tomaso kwa kusema, “*Twendeni nasi, ili tufe pamoja naye.*” Hii ni mbali na ile inayojulikana zaidi “*Isipokuwa nitaona alama za misumari ... sitaamini.*”

Labda si jambo la busara kwetu kumtazama Tomaso kwa dharau. Pengine ni busara zaidi kwetu kutazama nyuma na kujjuliza kimya kimya kile ambacho tungenesema, ikiwa tungekabiliwa na hali hiyo hiyo.

Utakachohitaji: Kwa Shughuli ya kadi:
Nakala za Karatasi ya Shughuli kwa kila mtoto
Kipande cha inchi 6 cha uzi kwa kila mtoto (*si lazima*)
Gundi, mkasi na kalamu za rangi

Hoja Kuu: Asubuhi ya Jumapili ya Pasaka Yesu alifufuka kutoka kwa wafu
Jioni hiyo Yesu aliwatokea wanafunzi wake
Tomaso hakuwa pamoja nao wakati huo
Tomaso hangeamini kuwa Yesu yu hai
Wiki moja baadaye, Yesu aliwatokea wanafunzi wote
Tomaso aliamini!
Tunaweza kuamini pia!

Maandiko: Yohana 20:19-20 na Yohana 20:26-29

Mstari wa Kumbukumbu: “*Usiwe na shaka, bali uamini tu.*” Yohana 20:27

Somo: **Yesu Awatokea Wanafunzi Wake (Tomaso mwenye shaka)**

Asubuhi ya Jumapili ya Pasaka Yesu alifufuka kutoka kwa wafu

- Ni sikukuu gani ambayo tumeadhimisha hivi karibuni? (*Pasaka!*)
- (*Pitia kwa haraka hadithi ya Pasaka pamoja na watoto*)
- Yesu alikuwa amekufa msalabani na kuzikwa kaburini
- Asubuhi hiyo ya Jumapili wanawake walikuta Kaburi lake likiwa tupu!
- Kisha Maria Magdalena akamwona Yesu!
- Yesu alikuwa hai tena!!

Jioni hiyo Yesu aliwatokea wanafunzi wake

- Kufikia sasa Wanafunzi walikuwa hawajamwona Yesu bado. (*Na ingawa baadhi ya wanawake walikuwa wamewaambia kwamba wamemwona Yesu, wanafunzi hawakusadiki kwa sababu "maneno yao yalionekana kwao kama upuuzi." Luka 24:11.*)
- Neno upuuzi linamaanisha nini? (*Sawa! Kitu ambacho hakina maana! Haikuonekana kuwa na maana kwa wanafunzi kwamba Yesu angeweza kuwa hai baada ya kuwa amekufa.*)
- Baada ya wale wanawake kuwaambia, baadhi ya wanafunzi walikimbilia kaburini na pia walikuta ni tupu, lakini hawakujua bado maana yake. Hawakuwa wamemwona Yesu wenyewe.
- Lakini usiku ule (Jumapili usiku) wanafunzi wote (isipokuwa mmoja) walipokuwa pamoja katika chumba kilichofungwa, Yesu aliwatokea.
- Yesu alisema "Amani iwe nanyi."
- Baada ya haya aliwaonyesha mikono yake na ubavu wake? Unafikiri ni kwa nini aliwaonyesha wanafunzi wake mikono na ubavu wake? (*ilikuwa imejeruhiwa wakati wa Kusulubishwa. Kwa hakika alikuwa amebakiza makovu haya kwenye mwili Wake.*)
- Wanafunzi walifurahi sana walipomwona.

Tomaso hakuwa pamoja nao wakati huo

- Kwa bahati mbaya mmoja wa Wanafunzi, Tomaso, hakuwa pamoja nao.
- Tomaso alikosa kumwona Yesu.

Tomaso hangeamini kuwa Yesu yu hai

- Wanafunzi walijaribu kumwambia Tomaso kuhusu jambo hilo baadaye.
- Tomaso alitilia shaka kile walichosema. Je, "kuwa na shaka" inamaanisha nini? (*Inamaanisha kwamba huamini, au*

unashangaa kuhusu hilo labda, lakini hufikirii kuwa lingeweza kutokea.)

- Asingewaamini. Akasema, “Nisipoziona zile alama za misumari mikononi mwake, na kutia kidole changu pale ilipokuwa misumari, na kutia mkono wangu ubavuni mwake, sitasadiki.”
- Hayo yalikuwa maneno makubwa sana! Unafikiri ungesema nini? (*Subiri majibu.*)

Wiki moja baadaye, Yesu aliwatokea wanafunzi wote

- Jumapili iliyofuata Yesu aliwatokea Wanafunzi Wake tena
- Wakati huu Tomaso alikuwepo pia!
- Yesu alimwonyesha Tomaso mikono yake na ubavu wake.
- Na Yesu akamwambia Tomaso, “*Usiwe na shaka, na amini.*”

Tomaso aliamini!

- Tomaso akamwambia Yesu, “*Bwana wangu na Mungu wangu!*”
- Hatimaye Tomaso aliamini!
- Hakuwa na shaka tena. Kwa nini? (*Kwa sababu alikuwa ameona kwa macho yake kwamba Yesu yu hai. Alikuwa ameona mikono ya Yesu na ubavu wake ambao ulikuwa umechomwa wakati wa Kusulubishwa.*)

Tunaweza kuamini pia!

- Yesu alisema “*Kwa kuwa umeniona, umeamini; heri wale ambao hawajaona lakini wameamini.*”
- Tunaweza kuamini Yesu yu hai!
- Yesu alisema tuna heri ikiwa tunaamini, ingawa hatujamwona kwa macho yetu wenyewe
- Tunaweza kujua kwamba mambo haya ni kweli kwa sababu Mungu anasema hivyo!
- Yesu yu Hai! (Hakuna shaka!)

Hebu tuombe na kumshukuru Mungu kwamba Yesu yu Hai, na kumwomba atusaidie kuamini daima!

Ombi: Mungu mpendwa,
Asante kwa kuwa ulimtuma Yesu ili afe kwa ajili yetu msalabani.
Asante kwa kuwa alifufuka kutoka kwa wafu.
Asante kwa kuwa Yesu yu hai tena!
Utusaidie daima kuamini kwamba Yesu yu Hai!
Amina

Shughuli Zilizopendekezwa:

Nina Mashaka

Katika mchezo huu watoto wote huketi kwenye duara. Mwalimu anasimama katikati ya duara, anatoa madai ya kuudhi, na kuyasema kwa sauti. Watoto wanasema, "**Nina shaka!**" kila mara. Lakini, kila mwalimu anaposema "Yesu yu Hai!" na watoto wote wanasema "**Hakuna Shaka!**" KUMBUKA... Hii inaweza kupaza sauti! Chagua mtu mwingine kusimama katikati na kucheza tena!!

Madai ya kutisha (mifano)

- Nje kunanyesha lollipop!
- Nina mbwa wa zambarau!
- Treni zinaruka angani!
- Jelly Beans hukua kwenye miti!!

"Jifunze Mstari wa Kumbukumbu

“*Acheni kuwa na shaka, na aminini.*” Yohana 20:27

Yesu alimwambia Tomaso hivi. Tunaweza kufikiria juu yake pia. Je, tunamshuku Yesu? Ikiwa ndivyo, tunaweza kuacha kuwa na shaka na kuamini!!

Mbinu: Waambie watoto wagawanyike katika makundi mawili wasimame pande tofauti za chumba. Upande mmoja unasema "Acheni kuwa na shaka..." Upande mwingine unajibu "...Na aminini." Fanya hivi mara kadhaa. Sasa badilisha pande na kurudia. Uliza watu wa kujitolea waseme mstari mzima wa Biblia. Waache wasimame katikati wanaposema. Mara baada ya kusema hivyo, wanasimama kando na kufurahia kutazama wengine, au kupata kufanya mambo mengine... nk.

Hakuna shaka - Kadi

Tengeneza kadi ya "Hakuna Shaka!" na darasa lako.

- Tengeneza nakala ya moja ya kadi ya Hakuna shaka! Kulingana na idadi ya watoto katika darasa lako.
- Pia kata kipande cha uzi cha inchi 6 kwa kila mtoto. (*si lazima*)
- Ruhusu watoto kupaka rangi herufi katika maneno: "Yesu yu Hai!" na "Hakuna Shaka!"
- Maneno haya yatakuwa kwenye pande tofauti za kadi utakapomaliza
- Kwa kutumia mkasi kata kwa uangalifu kuzunguka kadi nzima.
- (**LAKINI... USIKATE mstari wa katikati kati ya pande hizo mbili!**)
- **Kunja** kwenye mstari wa katikati.
- Ikiwa unapenda, tengeneza kitanzi cha uzi na ufunge ncha zote mbili nyuma ya moja ya pande
- Weka gundi nyuma ya upande mmoja na ubonyeze pande zote mbili pamoja.
- AU fungua pande zote mbili pamoja
Sasa una kadi... **Hakuna Shaka!**

Yesu yu hai!

Hakuna shaka!!

“ Wamebarikiwa
wale ambao
hawajaona lakini
wameamini.”
Yohana 20:29

Yesu Anatengeneza Kiamsha Kinywa (Upatanisho wa Petro)

Ushauri kwa Mwalimu: Wakati fulani tunatenda dhambi. Ndivyo ilivyo. Tunatenda dhambi na hiyo dhambi hututenganisha na Mungu, ambaye anatupenda. Petro alipomkana Kristo mara tatu, ungefikiri kwamba yote yamepotea. Huyu hapa alikuwa Petro, ambaye alikuwa amemfuata Yesu kwa uaminifu kwa miaka mitatu, akikana kwamba hata hakumjua. Na saa chache tu kabla, Petro alikuwa amemwambia Yesu kwamba alikuwa tayari kuutoa uhai wake kwa ajili Yake. Hata hivyo, Yesu alijua kile ambacho Petro hakujua. Alijua kwamba kwa kweli Petro angemkana mara tatu kabla ya jogoo kuwika. Na alifanya hivyo. Kwa bahati nzuri, huo haukuwa mwisho wa hadithi! Kristo aliyefufuka alikuja na kumkuta Petro, akamkabili kwa upole, na kumpatanisha naye. Baada ya hapo, Alimrudisha Petro kazini. "Nifuate," alimwambia. Na Petro alimfuata. Tangu wakati huo na kuendelea alimfuata Kristo kwa uaminifu, hadi wakati wa kifo chake... kama vile alivyosema atafanya.

Utahitaji: Kiamsha kinywa karibu na Bahari: blanketi, Vijiti au kuni, na Vitafunio
Vipande vya mchezo fumbo: Nakala za karatasi ya shughuli, kalamu za rangi, mkasi na gundi (zote mbili ni za hiari)

Hoja Kuu: Wakati mwingine... Tunatenda dhambi
Dhambi hutusukuma mbali (au hututenganisha) na Mungu.
Yesu anakuja na kutupata.
Anatusamehe, na kutuunganisha tena pamoja na Mungu.
Anatupatia kusudi (au mambo ya kufanya).

Maandiko: Yohana 21:1-19 na Yohana 13:37-38

Mstari wa Kumbukumbu: *"Bwana ... unajua kwamba nakupenda."* Yohana 21:17

Somo: **Wakati Mwingine ... Tunatenda dhambi.**

- Tunafanya mambo kila siku. Sivyo? Kila siku tunafanya maamuzi kuhusu mambo tunayoenda kufanya.
- Wakati mwingine tunachagua kufanya mambo mazuri sana na ya kufurahisha: Kama kuendesha baiskeli yetu, au kucheza vizuri na ndugu au dada zetu. Tunafanya yale ambayo wazazi wetu wanatuambia tufanye. Tunasema "tafadhali" na "asante." Tunaamka na kwenda kulala tunapoambiwa tufanye hivyo.

- Niambie mambo mengine ambayo tunaweza kuchagua kufanya ambayo ni mema na sahihi. (*Subiri majibu kadhaa.*)
- Vizuri. Ninafurahi kwamba unafanya mambo mengi ambayo ni mazuri! Unafanya mambo mengi mazuri!
- Lakini, ni lazima niseme kwamba DAIMA hatufanyi kila kitu ambacho ni sawa... Je! Wakati mwingine... WAKATI fulani... wakati mwingine (si mara nyingi, labda) tunafanya mambo ambayo si sahihi.
- Sio bahati mbaya, kama vile "Lo, nimemwaga maziwa yangu." Au "Lo, lo, nilisahau kulisha mbwa." Lakini kuna kitu kibaya sana ambacho tunaamua kukifanya kimakusudi... hata wakati TUNAJUA kuwa hatufai. Hii ndio tunaita "dhambi."

Dhambi "inatusukuma mbali" (au inatutenga) na Mungu

- Tunapofanya mambo mabaya kwa makusudi, tunaiita dhambi.
- Dhambi hutusukuma mbali (au hututenganisha) na Mungu, ambaye hafanyi dhambi kamwe.
- Katika Biblia kuna hadithi ya mtu anayeitwa Petro. Petro alikuwa mmoja wa wanafunzi wa Yesu. Alimfuata Yesu kila siku kwa miaka mitatu. Alimjali sana Yesu. Alijiona kuwa mfuasi bora zaidi wa Yesu. Hata siku moja alimwambia Yesu, "Nitautoa uhai wangu kwa ajili yako." (Yohana 13:37-38)
- Yesu alimwambia Petro kwamba usiku uleule angekana hata kumjua Yesu mara tatu tofauti. Na kwamba angefanya yote haya kabla ya jogoo kuwika asubuhi iliyofuata.
(*Jogoo huwika asubuhi, kabla ya jua kuchomoza.*)
- Usiku huo Yesu alikamatwa. Baadaye mtu fulani alimuuliza Petro kama anamjua Yesu. Petro alimwambia mtu huyo "Hapana." Aliulizwa tena na tena. Mara zote tatu Petro alisema kwamba hamjui Yesu. Mara jogoo akawika na Petro akakumbuka yale aliyoambiwa na Yesu. Petro alilia.
- Unadhani kwa nini Petro alilia aliposikia jogoo akiwika?
(*Alihuzunika kwamba alikuwa amemkana rafiki yake, Yesu. Na alijua kwamba alisema uwongo. Kusema uongo ni dhambi.*)
- Dhambi ya Petro ilikuwa imemsukuma mbali na rafiki yake, Yesu, Mwana wa Mungu. Labda aliogopa kwamba ilikuwa milele.

Yesu Huja na Kutupata

- Lakini, kwa furaha, hadithi haiishii hapo! Yesu alikufa na akazikwa. Lakini siku ya tatu alifufuka kutoka kwa wafu! Baada ya hapo alitembelea wanafunzi wake.
- Siku moja Yesu alikutana na wanafunzi wake kando ya ziwa. Wote walipata kifungua kinywa pamoja.
- Yesu alimuuliza Petro “Je, wanipenda?” Na Petro akasema, "Naam, nakupenda." Yesu alimuuliza hivyo mara tatu. Kila mara Petro alimwambia Yesu kwamba anampenda. Lakini, Petro aliona haya kwamba Yesu alimuuliza mara tatu.
- Fikiri nyuma. Ni mara ngapi Petro alimwambia mtu huyo kwamba hamjui Yesu? (*Tatu*) Na ni mara ngapi Yesu alimuuliza Petro kama anampenda? (*Tatu*)
- Yesu alikuja na kumpata Petro. Alimruhusu Petro aseme jinsi alivyohisi kumhusu Yesu.
- Baada ya hapo Yesu alizungumza na Petro kuhusu wakati wake ujao tena, na wakati huu hapakuwa na mazungumzo yoyote kuhusu yeye kumkana Yesu. (Kwa hakika Yesu alimpa Petro mambo makubwa ya kufanya. Kisha akamwambia Petro, “Nifuate.” Petro alimfuata Yesu maisha yake yote.)
- Tunapotenda dhambi, ni Yesu huja kututafuta.

Yesu hutusamehe na kutuunganisha tena pamoja na Mungu.

- Yesu ndiye anayeweka mambo sawa. Alikufa kwa ajili yetu msalabani, ili aweze kutusamehe.
- Anapotusamehe, hutuunganisha tena pamoja na Mungu.

Yesu hutupa kusudi.

- Yesu anapokuja maishani mwetu na kutusamehe, basi pia hutupa kusudi la maisha yetu.
- Na anatuita tumfuata!!

Tuombe na kumshukuru Mungu kwa wema wake wa kutusamehe dhambi zetu na kuturudisha pamoja naye.

OMBI: Mungu mpendwa,
Asante kwa kuwa unatupenda.
Asante kwamba unatusamehe dhambi zetu.
Asante kwa kutuweka pamoja nawe!
Tunakupenda.
Amina

Shughuli Zilizopendekezwa:

Kwenye Banda

Jadili ni aina gani ya sauti ambayo jogoo hutoa. Tazama ni nani anayeweza kutoa sauti bora ya jogoo. (*Mjaribu kila mtu... Ukipenda, chagua mshindi mmoja au wawili.*) Soma yafuatayo na kila mtu aseme "**Hapana**" na utoe sauti **Jogoo** asikike. (*Rudia.*)

Yesu akasema, Petro, kabla jogoo hajawika, utanikana mara tatu.
Baadaye usiku huo mtu fulani alimuuliza Petro, "Je, unamjua Yesu?"

Na Petro akasema, "**Hapana.**"

Yule mtu akamuuliza tena Petro, "Je, unamjua Yesu?"

Na Petro akasema, "**Hapana!**"

Yule mtu akamuuliza Petro mara ya tatu, "Je, unamjua Yesu?"

Na Petro akasema, "**Hapana!!**"

(Jogoo anawika!!!)

Imba Mzee Fulani

Kwa furaha imba Wimbo wa "Mzee fulani ana shamba ia ia oh, Kwenya shamba ana jogoo ia ia oh". Toa sauti ya jogoo!!

Kifungua kinywa kando ya Bahari

Igiza tukio la Yesu kupata Kiamsha kinywa Kando ya Bahari na Wanafunzi Wake.

Tandaza blanketi chini ili kukalia. (*Kwa kujifurahisha, leta kuni au vijiti na "weka" moto karibu.*) Wape watoto vitafunio. Kwa mfano: Maandazi au, juisi, maji, n.k. Wakati watoto wakiwa na vitafunio vyao wasimulie tena hadithi ya Yesu na kukutana kwake na Wanafunzi wake kando ya Bahari ya Galilaya. Rudia hadithi ya Biblia inayopatikana katika Yohana 21:1-19. **Sema hadithi kwa maneno yako mwenyewe.**

Petro na wanafunzi walikuwa wameenda kuvua samaki. Walikuwa wamevua samaki usiku kucha na hawakupata chochote. Asubuhi iliyofuata walielekea ufuoni walipomwona mtu kando ya ziwa. (Alikuwa ni Yesu, Kristo Mfufuka, lakini hawakutambua bado.) Yesu akawauliza "Je, mmekamata chochote?" Hapana, hawakuwa wamekamata chochote. "Tupeni wavu wenu upande wa kuume wa mashua," Yesu akawaambia. Wakafanya hivyo wakavua samaki wakubwa 153. Mara wakagundua kuwa ni Yesu! Petro aliruka majini na kuogelea hadi ufuoni. Walipofika Yesu alikuwa akiwapikia kifungua kinywa juu ya moto wa makaa. Aliwalisha mkate na samaki.

(Kumbuka hapa kwamba unakula vitafunio, kama tu wanafunzi walivyokula kiamsha kinywa. Na kwamba una vijiti vya kuwasha moto, kama walivyokuwa siku hiyo.)

Baada ya kifungua kinywa, Yesu alikuwa na mazungumzo marefu na Petro, ambaye alikuwa amemkana mara tatu. Yesu alimuuliza Petro mara tatu kama anampenda. Petro alisema alimpenda mara tatu. (Lakini aliona aibu kwamba Yesu alimuuliza mara tatu. Akakumbuka kwamba alikuwa amemkana Yesu mara tatu.)

Kila mara Petro aliposema kwamba anampenda Yesu, Yesu alimwambia mambo kama vile “Lisha wana-kondoo wangu,” “Tunza kondoo wangu,” na “Lisha kondoo wangu.” Yesu alikuwa akimpa Petro kitu cha kumfanyia. Alitaka Petro asaidie kuwatunza wale ambao wangemwamini Yesu. Yesu alimrudisha Petro “pamoja” na Mungu na kumpa Petro kazi fulani za maana sana! Hatimaye alimwambia Petro, “Wewe nifuate.”


Tunapofanya mambo yasiyofaa, inatusukuma mbali na Mungu. Tunapofanya hivyo, ni Yesu Mwenyewe ambaye hututafuta, na kutuweka pamoja na Mungu. Hata anatupatia mambo ya kufurahisha na ya ajabu ya kufanya!

Tangu wakati huo na kuendelea hakuna hadithi kuhusu Petro kukana kwamba alimjua Yesu tena. Kwa kweli, Petro akawa mhubiri mkuu na alikuwa mfuasi wa Kristo hadi siku aliyokufa. Sasa Petro yu hai pamoja na Yesu milele! **Mwisho.**

Safisha makombo na ukunje blanketi. Pata usaidizi wa kuondoa vitu

Mchezo fumbo

Waruhusu watoto kupamba na kupaka rangi vipande vya mafumbo kwenye karatasi hii. Kisha kata vipande kwa uangalifu, ukitengeneza fumbo ambalo linaweza kuunganishwa tena baadaye. Unaweza kugundisha vipande kwenye karatasi baada ya kuunganisha tena, ukipenda.



Agizo Kuu (Yesu Anapaa Mbinguni)

Ushauri kwa Mwalimu: Hebu fikiria: Wewe ni mwanafunzi umesimama hapo ukimtazama Yesu anapopaa mbinguni. Anapanda juu na juu... hatimaye Haonekani kabisa. Utafanya nini? Wewe unaendelea kusimama hapo, bila shaka! (Labda ukiwa bado na mdomo wazi!) Umeona jambo la kushangaza zaidi! unaendelea kutazama uone kitakachofuata. Na kisha ghafla malaika wawili wanatokea kukuambia "Songa mbele." Labda umesahau kile ambacho Yesu alisema hapo awali: "Enendeni mkafanye mataifa yote kuwa wanafunzi, mkiwabatiza kwa jina la Baba, na Mwana, na Roho Mtakatifu, na kuwafundisha kuyashika yote niliyowaamuru ninyi." Una mengi ya kufanya! Hutaki kuwa umesimama tu hapa bila kufanya lolote Atakaporudi!!

Utahitaji: "Nitarudi": Sanduku au mkoba, vitu vya kusafiri, na vitafunio
Tengeneza Wingu: nakala za karatasi ya shughuli, pamba, na gundi.

Hoja Kuu: Baada ya Jumapili ya Pasaka, Yesu alikuwa duniani kwa siku 40 zaidi. Aliwapa Wanafunzi Wake kazi mpya. (Agizo Kuu)
Baada ya siku 40, Yesu alipaa mbinguni.
Siku moja Yesu atarudi!!

Maandiko: Mathayo 28:19 (Agizo Kuu)
Matendo 1:7-11 (Kupaa kwa Yesu)

Mstari wa Kumbukumbu: Matendo ya Mitume 1:8 "...mtakuwa mashahidi wangu katika Yerusalemu, Uyahudi kote na Samaria, hadi miisho ya dunia."

Somo: **Baada ya Jumapili ya Pasaka, Yesu alikuwa duniani kwa siku 40 zaidi.**

- Tumezungumza mengi kuhusu Pasaka hivi majuzi. Tumejifunza yote kuhusu jinsi Yesu alikufa msalabani, na akazikwa kaburini, na jinsi alivyofufuliwa kutoka kwa wafu Jumapili ya Pasaka. Lakini nini kilimpata Yesu baada ya hapo? Yuko wapi sasa? Je! Anarudi tena? Na tunapaswa kufanya nini wakati tunangoja? Haya ndiyo mambo tutakayozungumzia leo.
- Baada ya Yesu kufufuka kutoka kwa wafu Jumapili ya Pasaka, ALIKUWA HAI tena milele.
- Kwa siku 40 baada ya Pasaka, Yesu alionekana hapa duniani. Alitembelea watu na kuzungumza nao. Alikula pamoja nao na kuwafundisha. Watu wengi sana walimwona akiwa hai tena.

Aliwapa Wanafunzi Wake kazi mpya. (Agizo Kuu)

- Yesu alitembea na Wanafunzi wake katika siku hizo 40.
- Alipokuwa pamoja nao siku moja, aliwapa kazi mpya.
- Kazi yao mpya ilikuwa “Nendeni mkawafanye mataifa yote kuwa wanafunzi, mkiwabatiza kwa jina la Baba, na Mwana, na Roho Mtakatifu, na kuwafundisha kuyashika yote niliyowaamuru ninyi.
- Lo! Hiyo ni kazi KUBWA!! Alitaka waende katika ULIMWENGU MZIMA na kufanya wanafunzi. Hiyo ina maana kwamba alitaka wazunguke wakizungumza na watu kuhusu Yesu!
- Kazi hii ni KUBWA SANA hata tunaiita Agizo Kuu.
- Hiyo bado ni kazi ya waumini leo!

Baada ya siku 40, Yesu alipaa mbinguni.

- Yesu alionekana kwa muda wa siku 40 duniani, kisha jambo la AJABU likatokea. Siku moja, mbele ya Wanafunzi Wake, Yesu alichukuliwa juu mbinguni!
- Wanafunzi na Yesu walikuwa juu ya mlima wakizungumza. Ndipo Yesu akaanza kupaa, juu, juu angani. Na wanafunzi wote walikuwa wakimtazama. (Labda huku vinywa vyao vikiwa wazi... hivi...) Na kisha, Akatoweka!
- Na pale walikuwa... bado wamesimama pale... wakitazama juu... huku midomo yao ikiwa wazi... (kama hivi)... na kutazama... (Hivi)... wakishangaa ni nini kitakachofuata. Je! unajua nini kilitokea baadaye?
- Malaika wawili walikuja na kusimama pamoja na wanafunzi. Waliwaambia kwa upole sana,, *“Enyi watu wa Galilaya, kwa nini mmesimama hapa mkitazama angani? Yesu huyu aliyechukuliwa kutoka kwenu kwenda mbinguni, atarudi jinsi iyo hiyo mlivyomwona akienda zake mbinguni.”* Au kwa maneno mengine: “...songeni mbele!!”
- Kama ingekuwa mimi, ningeweza kukuambia kile ambacho ningefanya. Ningekuwa nimesimama pale, nikitazama, huku mdomo wangu ukiwa wazi, nikingojea ni nini kingetokea baadaye. Na, kama malaika hawangekuja walipokuja, pengine ningekuwa bado kule juu ya mlima ule, nikitazama juu... na kusubiri... huku mdomo wangu ukiwa wazi... hivi... mpaka Yeye arudi. Lakini hilo silo jambo ambalo Mungu alikuwa nalo akilini, sivyo?
- Yesu alikuwa amewapa wanafunzi kazi, sivyo? Walipaswa kuwa mashahidi Wake katika ulimwengu wote, kuanzia

Yerusalemu. Hawangeweza kusimama tu walingoja milele juu ya mlima! Walikuwa na kazi ya kufanya!

Siku moja Yesu atarudi.

- Malaika waliwaambia wanafunzi kwamba Yesu alikuwa mbinguni na kwamba siku moja atarudi!
- Hadi wakati huo, tunapaswa kuwa na shughuli nyingi katika kufanya kazi aliyotupa!

Tuombe na kumshukuru Mungu kwamba Yesu yuko mbinguni na kwamba siku moja atarudi.

OMBI: Mungu mpendwa,
Asante kwa kumtuma Yesu kwetu!
Asante kwa kuwa sasa yuko mbinguni pamoja nawe!
Asante kwa kuwa siku moja atarudi!
Asante kwa kutupenda! Tunakupenda tena!
Amina

Shughuli Zilizopendekezwa:

"Nitarudi!"

Katika shughuli hii, watoto hupata utengano wa muda mfupi kutoka kwa mmoja wa walimu. Watoto watahangaa kwamba kweli unatoka darasani wakati wa darasa! Leta sanduku, begi, au kipande kingine cha mzigo darasani. Ili kujifurahisha, ijaze na vitu mbalimbali unavyoweza kubeba ukiwa safarini. (vitafunio, koti, maji, nk.).

Acha watoto wakae mahali wanapoweza kuona mlango. Waelezee watoto kwamba utaenda safari fupi hivi karibuni. Waonyeshe mizigo yako, waambie watoto unawaacha sasa, lakini kwamba "utarudi mara moja." Waambie waangalie na wakusubiri.

Chukua mizigo yako, na uelekee mlangoni. Wapungie mkono na kusema kwaheri, na uwaambie tena kwamba utarudi mara moja. Nenda nje ya mlango na uufunge. Hesabu hadi 10 kisha ufungue mlango na urudi ndani. Furahia kuwaona, kama vile umeenda kwa muda mrefu.

Sema mambo kama vile "Hujambo! Habari yako? Nimekukosa! Ulifanyaje nikiwa nimeondoka? Lo, umekua sana ... nk! Watoto watapenda hii. Kwa furaha zaidi, waletee "ukumbusho" wa safari yako; kitu ambacho kilifichwa kwenye mizigo yako, (Ninapendekeza vitafunio!)

Wakati wanakula vitafunio vyao vidogo, wakumbushe kwamba ingawa Yesu alienda mbinguni, aliahidi kurudi tena. Na, kwa kuwa Yeye hutimiza ahadi zake kila mara, tunaweza kumtarajia wakati wowote!

KUMBUKA: Usiache darasa lako bila usimamizi ukiwa umeondoka. Kuwa na kijana mwingine au mtu mzima chumbani wakati umeenda kwenye "safari" yako!"

Tengeneza Wingu

Biblia inasema kwamba Yesu “*akachukuliwa juu mbinguni mbele ya macho yao na wingu likampokea wasimwone tena.*” Tengeneza wingu kwa kuunganisha pamba kwenye karatasi; (*Watoto wanaweza pia kutaka kumchora Yesu kwenye picha. Ikiwa ndivyo, basi tumia kalamu za rangi na ufanye hivyo **KWANZA**, **KABLA** ya gundi kutumika!*)

Yesu aliwaambia Wanafunzi wake: “...nanyi mtakuwa mashahidi wangu ...hadi miisho ya dunia.” Baada ya kusema mambo haya, walipokuwa wanatazama, akachukuliwa juu mbinguni mbele ya macho yao na wingu likampokea wasimwone tena. **Matendo ya Mitume 1:8-9**

